

Vanzgyangh:Cwnzsangh Cunh Banh Ciet Mak-gamdiengz Doi Canjyez Banggungz Hwngfat

环江:陈双村举办砂糖橘节 助推扶贫产业发展

1 nyied 13 hauh, youq Vanzgyangh Mauznanzcuz Swciyen Swi'wnh Cin Cwnz-sangh Cunh Mbanjsanghloz, Mauznanz、Myauz、Yauz、Cuengh、Gun daengj gak cuz vunzlai angq comz youq itheij, ciengq go diuq foux angqhoh makgamdiengz ndaej fungsou.

Aen mbanj neix banh mbat ciet makgamdiengz neix, iucingj seiqhenz mbanj 14 aen doih vwnzyi daeuj biujyienj, diuqfoux、eufwen、siujbinj daengj heiq doj cibcuk. Doengzseiz lij banh “gwn makgamdiengz” doxdax.

Gaenh geij bi neix daeuj, Cwnzsangh Cunh aeu ndaem makgamdiengz ma guh cujdauj canjyez, ndaem gomak menciz dabdaengz 6431 moux, ranz ndaem mak gai mak bi souhaeuj 5 daengz 15 fanh maenz. Aen diegguyiengh “bya va haij mak youqndwi nungzyez” youq bi'gvaq ndaej bingz guh “Guengjsae diegguyiengh sam-

singgaep daegsaek nungzyez ciuhneix”, ndaej saedyienh nungzyez dem yauq、nungzminz demsou、lajmbanj dem heu, vih dwk hingz ciengz ciengq gunggeng banggungz demh ndei giekdae.

(Cwnz Gvanghgoh/陈光科)



◀ Gwn mak doxdax.

▲ Ciengq go diuq foux angqhoh makgamdiengz ndaej fungsou.



▲ Dangdieg vunzlai hoengghwd vuenyungz gvaq Bi'myauz.

Yungzsuij:Boq Venz Max-doxdik Coux Bi'myauz

融水:芦笙斗马迎苗年

1 nyied 14 hauh, youq Yungzsuij Myauzcuz Swciyen Minzcuz Dijyuz Gunghyenz, dangdieg Myauzcuz vunzlai gawjhengz “boq venz maxdoxdik coux Bi'myauz” hozdung, doenggvaq boq venz diuq fouxcaijdangz、Myauzcuz golaux ciengq Cibgouj Daih cingsaenz、maxvuengz doxdax daengj minzsuz conzdungj hozdung, angqhoh ciet conzdungj “ciet Bi'myauz” daeujdaengz.

Ciuq cam rox, ciet Bi'myauz dwg aen ciet vunz Myauzcuz gvaq ndaej ceiq hoengghwd he. Saedceij gvaq Bi'myauz gak dieg cungj mbouj doxdoengz, hoeng cungj dwg sou haeux haeuj cang gvaqlaeng, couh dwg liggaueq gouj、cib roxnaeuz cib'it nyied gawjhengz.

(Veiz Dingjbyauh/韦鼎标)



▲ Boq venz diuq foux angqhoh gvaq Bi'myauz.

Lozcwngz: 1000 Boux Senjranz Vunzlai Saedyienh Youq Bakranz Guhhong

罗城:1000名搬迁群众可实现家门口就业

Bi'gvaq, Lozcwngz Mulaujcuz Swciyen gaenxmaenx yinxhaeuj aen giyez yungh vunz guhhong lai he haeuj “mbanranz Mulauj” roengzngaenz banh cangj, ndaej buqgej aen nanzdae guhhong hohsenjranz senjdieg banggungz haenx.

Ciuq cam rox, Lozcwngz Sunghswng Denswj Gohgih Mizhanh Gunghswi dwg gya giyez daih'it haeuj “mbanranz Mulauj” an-gya comzyouq giz senjdieg banggungz Lozcwngz, dangqnaj ndaej daezhawj 1000 aen gangjvei guhhong, ndaej hawj buek vunzlai banggungz senjranz haenx youz nungzminz bienqbaenz canjyez gunghyinz, saedyienh youq bakranz guhhong.

(Mungz Cwnghswi/蒙增师)



▲ Youq bakranz bonjfaenh guhhong.

Lajmbanj Ningzmingz “Youzcet Daejniemh” Ndaej Hekyouz Gyaezmaij

宁明乡村“体验游”深受游客青睐



Bi'gvaq gvaqdaej, Ningzmingz Yen yawjnaek ca ndei guh lijyouzgi daegsaek lajmbanj, daegbied dwg “youzcet daejniemh” lajmbanj gig souhdaengz hekyouz gyaezmaij, roengzrengz hwngfat caeuq guh buek lijyouzgi lajmbanj、nungzyahloz、ranz ndaw-ndoeng daengj lijyouz canjbinj haemq lai he. Ndw bi haenx, aen yienh neix gungh ndaej bingz guh swcigih diemjguhyiengh youqndwi nungzyez caeuq lajmbanj lijyouz aen ndeu、lijyouzgi lajmbanj seiqsinggaep 2 gya、samsinggaep 2 gya、nungzyahloz seiqsinggaep 1 gya、samsinggaep 12 gya.

(Couh Yizganh/周贻刚)

◀ Youzcet daejniemh ndaej daengz hekyouz gyaezmaij.